

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 03.05.2018թ. թիվ 1808001358 որոշումն անփոփոխ, իսկ վարչական բողոքն առանց բավարարման թողնելու մասին

<<20>> 06 2018թ. 17-13-59840-18/17-13-1886

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Ջարուիի Մանուկյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Ջարուիի Մանուկյանը (ք.Երևան, Իսրայելյան 39/11) դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 03.05.2018թ. թիվ 1808001358 որոշման վերաբերյալ՝ նշելով, որ չի նկատել ճանապարհին առկա 50 կմ/ժ արագության սահմանափակման նշանը:

Դիմումի քննարկման արդյունքում պարզվել է, որ դիմումատուի խնդրանքը վարչական ակտը բեկանելու հիմք չի կարող հանդիսանալ՝ հետևյալ պատճառաբանությամբ.

Հայաստանի Հանրապետությունում տեղադրված բոլոր արագաչափ սարքերը ստուգաչափված են Հայաստանի Հանրապետության տնտեսական զարգացման և ներդրումների նախարարության <<Չափագիտության ազգային ինստիտուտ>> ՓԲԸ-ի կողմից և դրանց արձանագրած արագությունը համապատասխանում է տրանսպորտային միջոցների փաստացի արագությանը:

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 68-րդ կետի համաձայն՝ <<Բնակավայրերում տրանսպորտային միջոցների երթևեկությունը թույլատրվում է 60 կմ/ժ ոչ ավելի արագությամբ>>, իսկ ըստ նույն որոշման 70-րդ կետի <<Բնակավայրերում և բնակավայրերից դուրս ճանապարհների առանձին հատվածներում, 3.24՝ <<Առավելագույն արագության սահմանափակում>> նշանի կիրառմամբ:

Ճանապարհային ոստիկանության ճանապարհային երթևեկության կազմակերպման հսկողության բաժնի կողմից 31.05.2018թ. տրված տեղեկանքի համաձայն՝ Մ-4 Երևան-Սևան-Իջևան-Ադրբեջանի սահման միջպետական նշանակության ավտոճանապարհի 80.5 կմ-ի ճանապարհահատվածում՝ թունելի մոտ, արագաչափ սարքից առաջ ՀՀ կառավարության 26.10.2006թ. թիվ 1699-Ն որոշման պահանջներին համապատասխան՝ երթևեկության մասնակիցների համար տեսանելի վայրում, տեղադրված է 3.24 <<Առավելագույն արագության սահմանափակում>> 50կմ/ժ ճանապարհային նշանը, որն առկա է եղել նաև իրավախախտման կատարման օրը՝ 21.04.2018թ.:

Այսպիսով՝ դիմումատուն 21.04.2018թ-ին ՀՀ Գեղարքունիքի մարզի Մ-4 80.5 կմ հատվածում երթևեկելով 72 կմ/ժ արագությամբ թույլ է տվել սահմանված արագության գերազանցում 22 կմ/ժ-ով, հանելով արագաչափ սարքի հնարավոր սխալանքի 10 կմ/ժ չափը, գերազանցել է երթևեկության սահմանված արագությունը 12 կմ/ժ, որը նախատեսված է <<Վարչական իրավախախտումների վերաբերյալ>> ՀՀ օրենսգրքի 124.4-րդ հոդվածի 2-րդ մասով, հետևաբար դիմումատուին վարչական պատասխանատվության ենթարկելու մասին որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 03.05.2018թ. թիվ 1808001358 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Ջարուիի Մանուկյանին:

